



STATUTI I SHOQERISE
“Alpha Sound Tirana” SHPK

I. KRIJIMI , FORMA , EMERTIMI, OBJEKTI, SELIA DHE
KOHEZGJATJA

NENI 1

“Alpha Sound Tirana” sh.p.k. është një shoqëri me përgjegjësi të kufizuar. Qëllimi i aktivitetit të saj rregullohet nga ky statut dhe nga Ligji nr. 7638, date 19.11.1992, “Për shoqëritë tregtare”.

NENI 2

2.1. Ortaket e kësaj shoqërie janë :

1. Kostantinos Kostantinopoulos, i biri i Nikdaos, lindur me 23.09.1949, ne Patra, Greqi banues ne Rr. Geraka 56, Geraka, Athine, Greqi, shtetas grek, mbajtës i pasaportës nr. AB48210638;

2. Blendi Bombaj, i biri i Vasilit, lindur me 30.04.1971, ne Tirane, banues ne adresën Rr. Pjeter Bogdani, Pallati “Tekno-projekt”, shtetas shqiptar, mbajtës i pasaportës nr. Z1743154

3. Gentian Zguri, i biri i Ejupit, lindur me 30.04.1976, ne Tirane, banues ne adresën Rr. Siri Kodra, nr. 88/1, Tirane, Shqiperi, shtetas shqiptar, mbajtës i pasaportës nr. Z1855908

Ortakët ranë dakord për të zhvilluar me vullnetin e tyre të lirë veprimtari tregtare në përputhje me ligjet shqiptare.

NENI 3

Objekti

3.1. Objekti i veprimtarisë është :

- a) Shitblerja dhënia dhe marrje me qera si dhe servisi i pajisjeve audio-vizuale dhe ndriçuese.
- b) Organizimi i evenimenteve artistike në përgjithësi, kulturore, muzikore, etj.
- c) Importi dhe Eksporti i pajisjeve përkatëse për organizime, evenimente, koncerte, duke mos u kufizuar vetëm në pajisjet ndriçuese, audio-vizuale, skenat, pajisjet muzikore, etj.
- d) Organizimi i aktiviteteve ndërmjetësuese (agjenti) për evenimente artistike, kulturore, muzikore, etj; brenda dhe jashtë vendit.
- e) Prodhimi, menaxhimi, reklamimi dhe shitja e materialeve artistike, kulturore, muzikore, etj.
- f) Ngritja, menaxhimi i studiove, audio-vizuale, si dhe prodhimi i materialeve artistike, kulturore dhe muzikore.
- g) Prodhimi, instalimi, ngritja dhe dhënia me qera e skenave, podiumeve për aktivitete masive.
- h) Konsulencë e specializuar në fushat e sipërpërmendura.

3.2. Në përputhje me legjislacionin shqiptar, me qëllim arritjen e objektivave të mësipërme, shoqëria mund:

- a) të kryejë çdo transaksion në lidhje me pasuritë e luajtshme apo ato të paluajtshme, si dhe çdo aktivitet tregtar, financiar, të japë dhe të marrë me qera, të vendosë pengje dhe barre hipotekare; aktivitete këto të konsideruara si të dobishme apo të nevojshme për të arritur qëllimet e shoqërisë dhe që nuk tejkalojnë në masë aktivitetet kryesore, të cituara më sipër;
- b) të kryejë aktivitete publikimi dhe reklamimi.

3.3. Shoqëria kryen çdo lloj aktiviteti në raport me objektin dhe për të favorizuar atë.

3.4. Shoqëria zbaton te gjitha ligjet dhe aktet nënligjore te duhura. Ajo zbaton standardet me te larta te etikes.

NENI 4

4.1 Selia e Shoqërisë ndodhet ne qytetin e Tiranës, me adrese ne: Rr. "Siri Kodra", Ish ish-ofiçina Gjeologji-Miniera, Tirane.

4.2. Ajo mund te hapi dege dhe / ose filiale ne te gjitha rrethet e vendit si edhe jashtë tij.

NENI 5

Shoqëria ka vulën e saj mbi te cilën ka te shkruar emërtimin dhe shenjen dalluese te saj.

NENI 6

Kohëzgjatja e shoqërisë është e pacaktuar.

II. KAPITALI THEMELTAR, KONTRIBUTET, PJESET E KAPITALIT THEMELTAR

NENI 7

7.1. Vlera e Kapitalit Themeltar është 100. 000 Leke.

7.2. Kapitali ndahet ne 100 pjese te barabarta, secila me vlere prej 1000 Leke, te renditura nga numri 1 deri ne numrin 100, ne pronësi te:

Blendi Bombaj, i cili ka sjelle një kontribut prej 26.000 lekesh, te cilat perfaqesojne 26 % te kapitalit themeltar.

Gentian Zguri, i cili ka sjelle një kontribut prej 25.000 lekesh, te cilat perfaqesojne 25 % te kapitalit themeltar

Konstantinos Kostantinopoulos, i cili ka sjelle një kontribut prej 49.000 lekesh, te cilat përfaqesojnë 49% të kapitalit themeltar.

7.3. Pjesët nuk materializohen në letra me vlerë të tregtueshme por vërtetohen me anë të certifikatave nominative të lëshuara nga shoqëria.

7.4. Çdo pjesë e kapitalit themeltar i jep të drejtën e një vote zotëruesit të saj.

7.5. Ortaket e shoqërisë përballojnë humbjet e saj deri në kufirin e vlerës së kontributeve të tyre të derdhur në formimin e kapitalit themeltar.

NENI 8

8.1. Pjesët e kapitalit transferohen lirisht midis ortakeve.


8.2. Transferimi i pjesëve të kapitalit tek persona të tretë dhe / ose transferimi i pjesëve në rrugë trashëgimie, në rast ndarjeje pasurie ndërmjet bashkëshorteve, si dhe transferimi tek persona të tretë që nuk bëjnë pjesë në shoqëri iu nënshtrohet këtyre rregullave:

a. Transferuesi apo personi në favor të të cilit është bërë transferimi, duhet të njoftojë, shitjen në rast shitjeje, si dhe emrin, mbiemrin dhe adresën e personit të cilit i transferohen pjesët.

b. Asambleja e ortakeve duhet të miratojë transferimin brenda tre muajve nga dita e njoftimit. Në rast se shoqëria nuk ka bërë të ditur vendimin e saj brenda afatit tre mujor, miratimi quhet i dhënë.

c. Asambleja miraton transferimin vetëm me shumicën e ortakeve që përfaqesojnë të paktën $\frac{3}{4}$ (tre të katërtat) e pjesëve të kapitalit themeltar.

d. Në rast se shoqëria refuzon transferimin, brenda tre muajve nga data e refuzimit, ortaket duhet t'i blejnë pjesët e propozuara për transferim. Çmimi i shitjes është vlera



kontabël e pjesëve. Nëse disa ortakë janë të interesuar njëherësh në blerjen e pjesëve, e drejta e tyre është proporcionale me numrin e pjesëve që ata zotërojnë. Në rast se asnjë ortak nuk është i interesuar të blejë pjesët, atëherë Asambleja e ortakëve duhet të vendosë, me shumicën e ortakëve që përfaqësojnë të paktën $\frac{3}{4}$ (tre të katërtat) e pjesëve të kapitalit themeltar, nëse: 1. pjesët do t'i transferohen personit të propozuar nga transferuesi me çmimin e rene dakord midis tyre; 2. pjesët do t'i shiten një personi tjetër të tretë me çmimin e rene dakord me këtë person por jo me pak se vlera kontabël e tyre; 3. pjesët do të blihen nga shoqëria për t'u anuluar, në kuadrin e një zvogëlimi kapitali, në përputhje me nenin 64, Ligji nr. 7638, datë 19.11.1992, "Për shoqëritë tregtare".

8.3. Transferimi i pjesëve të kapitalit themeltar, duhet të vërtetohet me akt noterial.

NENI 9

Zmadhimi

9.1. Kapitali themeltar mund të zmadhohet me vendim të ortakëve që përfaqësojnë të paktën $\frac{3}{4}$ (tre të katërtat) e pjesëve të kapitalit themeltar, në përputhje me nenin 62 dhe 63, Ligji nr. 7638, datë 19.11.1992, "Për shoqëritë tregtare".

9.2. Zmadhimi i kapitalit mund të kryhet me anë të kontributeve të reja në para, me anë të kontributeve në natyrë ose me përfshirjen e rezervave dhe fitimit.

9.2. Ortakët kanë të drejtën e rritjes në mënyrë proporcionale në të njëjtën masë me pjesët e kapitalit që ata përfaqësojnë. Askush nuk mund të jetë subjekt i diskriminimit përgjatë procesit (parimi i trajtimit të barabartë).

9.3. Në asnjë rast, ortakët që përfaqësojnë të paktën $\frac{3}{4}$ (tre të katërtat) e pjesëve të kapitalit themeltar, nuk mund të detyrojnë një apo disa ortakë të minorances për të rritur angazhimin e tyre në kapitalin themeltar të shoqërisë. Në këtë rast, kapitali rritet në mënyrë proporcionale ndërmjet ortakëve që kanë pranuar zmadhimin e tij; Pjesët e ortakëve në minorance që nuk pranojnë të rrisin kontributin e tyre, mbeten të pandryshuara.

9.4. Ne rast zmadhimi te kapitalit me ane te kontributeve ne para, te gjitha pjesët e reja duhet te nënshkruhen dhe shlyhen tërësisht. Ato duhet te depozitohen nga ata persona te cilët nënshkruajnë për llogari te shoqërisë. Tërheqja e fondeve te reja mund te behet vetëm pas regjistrimit te zmadhimit te kapitalit ne Regjistrin Tregtar. Ne rast se zmadhimi i kapitalit nuk regjistrohet ne regjistrin tregtar brenda gjashte muajsh qe nga data e depozitimit te pare te fondeve, kontribuuesit kane te drejte individualisht ose bashkërisht, te kërkojnë ne rruge gjyqësore autorizim për tërheqjen e shumës se kontributeve te tyre.

NENI 10

Zvogëlimi

10.1. Zvogëlimi i kapitalit deri ne një vlere jo me te vogël se 100 000 Leke mund te kryhet me vendim te ortakeve qe perfaqesojne te paktën $\frac{3}{4}$ (tre te katërtat) e pjesëve te kapitalit themeltar, ne përputhje me nenin 64, Ligji nr. 7638, date 19.11.1992, "Për shoqëritë tregtare".

10.2. Zvogëlimi i prek ortaket ne te njëjtën mase ndaj pjesëve te kapitalit qe ata perfaqesojne.

10.3. Ne rast se kapitali i shoqërisë, per shkak te humbjeve te konstatuara ne dokumentet financiare, rezulton me i vogël se gjysma e kapitalit themeltar, brenda katër muajve nga miratimi i llogarive qe pasqyrojnë këto humbje, ortaket qe perfaqesojne te paktën $\frac{3}{4}$ (tre te katërtat) e pjesëve te kapitalit themeltar, duhet te vendosin ose prishjen e shoqërisë, ose zvogëlimin e kapitalit me një vlere me te madhe se ajo e humbjeve qe kane mbetur te pambuluara nga rezervat, por pa e zbritur kapitalin nen shumën 100 000 Leke, ne përputhje me nenet 72 dhe 38, Ligji nr. 7638, date 19.11.1992, "Per shoqerite tregtare".

III. MARRJA E VENDIMEVE, ADMINISTRIMI, DHE KONTROLLI I SHOQERISE

NENI 11

Asambleja e ortakeve

11.1. Vendimet merren nga asambleja e ortakeve.

11.2. Çdo ortak ka te drejte te marri pjese ne mbledhjet dhe ne vendimet e asamblesë dhe disponon një numër votash te barabarte me pjesët e kapitalit themeltar qe ai zotëron. Çdo ortak ka te drejte te përfaqësohet ne këto mbledhje nga nje ortak tjetër ose nga një mandatmbajtës i cili mund te votoje ne emër te atij qe përfaqëson.

11.3. Asambleja mbledhet ne mënyre te rregullt, çdo vit, brenda nje afati prej 6 muajsh nga dita e mbylljes se vitit financiar. Asambleja mund te thirret ne çdo kohe me kërkesën e: (a) nje apo disa ortakeve qe perfaqesojne 10% te pjesëve te kapitalit themeltar, (b) ekspertit kontabël te autorizuar, (c) te administratorit, (d) te likuiduesit.

11.4. Administratori iu njofton te gjithë ortakeve, Mbledhjen e Asamblesë, me leter rekomande, te paktën 15 dite përpara mbledhjes. Lajmërimi përmban datën, adresën e vendtakimit dhe rendin e ditës se Mbledhjes. Çdo ortak mund te anulnje mbledhjen e asamblesë se thirrur ne mënyre te parregullt. Megjithatë, nuk mund te anulohen mbledhjet e thirrura ne mënyre te parregullt, nëse te gjithë ortakët kane qene te pranishëm apo te përfaqësuar.

11.5. Asambleja mund te marre vendime edhe me ane te konsultimit me shkrim te ortakeve. Konsultimi me shkrim kryhet ne ketë mënyre: (a) Administratori harton nje propozim me shkrim te vendimit qe kërkohet te aprovohet; (b) Administratori iu dërgon te gjithë ortakeve, propozimin me shkrim te vendimit me ane te nje letre rekomande, poste te regjistruar ose fax-i; (c) Ortaket kthejnë nje përgjigje ekzakte nëse miratojnë apo refuzojnë propozimin e vendimit, me ane te nje letre rekomande, poste te regjistruar ose fax-i; (d) Administratori mbledh miratimet dhe refuzimet dhe iu dërgon te gjithë ortakeve rezultatin e votimit, me ane te një letre rekomande, poste te regjistruar ose fax-i; (e) çdo ortak ka te drejte t'i kërkoje Administratorit te kontrolloje procesin e konsultimit me shkrim.

11.6. Asambleja drejtohet nga Kryetari i Asamblesë ose ne mungese te tij, nga Administratori. Kryetari i Asamblesë emërohet nga Asambleja me shumice te zakonshme. Ai nuk është punëmarrës i shoqërisë. Ai nuk është punëmarrës i shoqërisë. Kompetencat, te drejtat dhe detyrimet e tij ndaj shoqërisë rregullohen ne aktin e emërimit.

11.7. Kryetari i asamblesë emëron një person fizik, ortak ose jo, ne postin e sekretarit. Sekretari mban proces - verbalin e mbledhjes, i cili firmoset nga te gjithë ortakët e pranishëm ne mbledhje.

11.8. Votimi është ne parim i hapur. Me kërkesë te një ose disa ortake qe perfaqesojne me shume se gjysmën e pjesëve te kapitalit, votimi është sekret.

11.9. Janë ne kompetencën e Asamblesë dhe nuk mund t'i delegohen Administratorit, marrja e vendimeve përsa i përket:

- a. ndryshimi i statutit;
- b. riorganizimi, ndarja, bashkimi, likuidimi, shndërrimi i shoqërisë;
- c. linjat baze për zhvillimin e biznesit te shoqërisë;
- d. zmadhimi, zvogëlimi i kapitalit;
- e. miratimi i llogarive, raporti vjetor, inventarët, raporti i eksperteve kontabël te autorizuar;
- f. hapja e filialeve, degëve apo zyrave te reja;
- g. marrja hua, lenia peng apo çdo barre tjetër siguruese;
- h. hapja e një aktiviteti te ri ekonomik;
- i. emërimi dhe/ose shkarkimi i Kryetarit te Asamblesë se Ortakeve;
- j. emërimi dhe/ose shkarkimi i Administratorit;
- k. emërimi dhe/ose shkarkimi i eksperteve kontabël te autorizuar;
- l. blerja e pasurive te patundshme;
- m. blerja e aksioneve, certifikatave apo titujve te shoqërive te tjera tregtare, apo e çdo lloj instrumenti financiar
- n. te gjitha kompetencat e tjera qe ligji dhe / ose ky statut i japin shprehimisht Asamblesë.

11.10. Asambleja merr vendim me shumice te zakonshme dhe shumice te jashtëzakonshme. Ne rast se shumica e zakonshme është e kërkuar, vendimet merren, nga një ose disa ortake qe perfaqesojne me shume se gjysmën e pjesëve te kapitalit. Ne rast se shumica e jashtëzakonshme është e kërkuar, vendimet merren, ne çdo rast dhe

çdo here, nga ortaket qe perfaqesojne te paktën tre te katërtat e pjesëve te kapitalit themeltar.

11.11. Asambleja vendos me shumice te jashtëzakonshme:

- a. ndryshimin e statutit;
- b. transferimin e pjesëve te kapitalit themeltar tek një i trete ;
- c. zmadhimin apo zvogëlimin e kapitalit themeltar;
- d. prishjen e shoqërisë ne rast se humbjet janë me te mëdha se gjysma e kapitalit;
- e. shndërrimin e shoqërisë ne shoqëri anonime;

11.12. Për çdo ceshtje tjetër, Asambleja vendos me shumice te zakonshme.

11.13. Te gjitha vendimet e shoqërisë regjistrohen ne një libër te veçante, qe mbahet ne selinë e shoqërisë.

NENI 12

Administratori

12.1. Shoqëria administrohet nga Administratori, një person fizik qe mund te jete ose jo ortak i shoqërisë. Asambleja, me shumice te zakonshme, mund te vendose qe shoqëria te ketë me shume se një administrator. Ne ketë rast, marrëdhëniet midis administratoreve, kompetencat, te drejtat dhe detyrimet e secilit rregullohen ne Rregullore dhe / ose ne statut.

12.2. Administratori i Shoqërisë është **Z. Blendi Bombaj**, i biri i Vasilit, lindur me 30.04.1971, ne Tirane, banues ne adresën Rr. Pjeter Bogdani, Pallati "Tekno-projekt", shtetas shqiptar, mbajtës i pasaportës nr. Z1743154. Administratori emërohet me miratimin e ortakeve qe zotërojnë mbi ½ e pjesëve te kapitalit themeltar.

12.3. Te drejtat dhe detyrimet e Administratorit ndaj shoqërisë rregullohen ne Aktin e Emërimit.

12.4. Kohëzgjatja e mandatit të Administratorit është e pacaktuar. Ai shkarkohet, me ose pa motiv, me miratimin e ortakeve që zotërojnë mbi ½ e pjesëve të kapitalit themeltar.

12.5. Administratori ka të gjitha kompetencat për të kryer të gjitha veprimet në emër dhe për interes të shoqërisë, me përjashtim të atyre rasteve (kompetencave) që ligji dhe / ose ky statut i japin shprehimisht Asamblesë.

12.6. Administratori është përgjegjës individualisht ndaj shoqërisë apo të tretëve për shkelje ligjore dhe/ose për shkelje të statutit apo për faje të tyre gjatë administrimit të shoqërisë.

NENI 13

Eksperti kontabël i autorizuar

13.1. Kontrolli i shoqërisë kryhet nga një ekspert kontabël i autorizuar (person fizik apo juridik). Ai caktohet me vendim të asamblesë, me shumicë të zakonshme.

IV. VITI FINANCIAR, LLOGARITE VJETORE, NDARJA E FITIMIT

NENI 14


Viti financiar

Viti financiar fillon më 1 janar dhe përfundon në 31 dhjetor. Përjashtim nga ky rregull përben viti i pare, i cili fillon në ditën e regjistrimit dhe përfundon në fund të po atij viti.

NENI 15

Llogarite vjetore

15.1. Llogarite vjetore, raporte mbi operacionet e veprimtarisë lidhur me vitin financiar dhe raportet e veçuara të hartuara nga administratori dhe nga eksperti kontabël i autorizuar, miratohen nga asambleja me shumicën e zakonshme.



15.2. Miratimi i dokumenteve mbi veprimtarinë vjetore të shoqërisë bëhet brenda një afati prej 6 muajsh nga dita e mbylljes së vitit financiar.

NENI 16

Fitimi

16.1. Fitimi neto i realizuar nga shoqëria, mbasi zbriten të gjitha shpenzimet , si edhe fondet e lëna rezerve për nxitje ekonomike, për investime për reklame tregtare, ndahen ndërmjet ortakëve në përputhje me përqindjen e kapitalit themeltar që ka secili ortak.

16.2. Ortaket e huaj, mund të transferojnë lirisht fitimet e realizuara jashtë shtetit, në përputhje me dispozitat ligjore shqiptare në fuqi.

NENI 17

Bilanci

Bilanci vjetor i shoqërisë nxirret brenda 31 marsit të vitit pasardhës.

V. PRISHJA E SHOQËRISE DHE LIKUIDIMI

NENI 18

Likuidimi

18.1. Shoqëria priset me vendim të asamblesë me shumicë të jashtëzakonshme dhe në përputhje me ligjet në Republikën e Shqipërisë.

18.2. Shoqëria duhet të kryejë procesin e likuidimit në përputhje me ligjet në fuqi të Republikës së Shqipërisë.

18.3. Mbas pagimit të kreditorëve, shlyerjen e të gjithë detyrimeve dhe shlyerjen e pjesëve të kapitalit themeltar tek kontribuuesit përkatës, likuiduesi ndan kapitalet e mbetura ndërmjet ortakëve proporcionalisht me pjesët që ata zotërojnë.

VI. DISPOZITAT E FUNDIT

NENI 19

Konfliktet


Te gjitha mosmarrëveshjet brenda shoqërisë qe mund te lindin gjate ekzistencës se shoqërisë dhe qe nuk mund te zgjidhen me mirëkuptim, do te shqyrtohen nga Gjykata e Rrethit Gjyqësor Tirane.

Me datën _____, ne Tirane, u hartua dhe u nënshkrua, me vullnetin e lire te ortakeve, ky statut ne 5 (pese) kopje, ne gjuhen shqipe.

Për shoqërinë "Alpha Sound Tirana sh.p.k.

ORTAKET

Konstantin Kullakaj Besnik BOMBATI GENTIAN ZGURI



VERTETIM

Ne Tirane, sot me daten 30/10/2007 para meje Noteres et. Hecolaj Notetare
e Dhomes se Notereve Tirane, u paraqiten personalisht shtetasit:

1. **Kostantinos Kostantinopoulos**, i biri i Nikdaos, lindur me 23.09.1949, ne Patra,
Greqi banues ne Rr. Geraka 56, Geraka, Athine, Greqi, shtetas grek, mbajtës i
pasaportës nr. AB48210638;

2. **Blendi Bombaj**, i biri i Vasilit, lindur me 30.04.1971, ne Tirane, banues ne adresën
Rr. Pjeter Bogdani, Pallati "Tekno-projekt", shtetas shqiptar, mbajtës i pasaportës nr.
Z1743154

3. **Gentian Zguri**, i biri i Ejupit, lindur me 30.04.1976, ne Tirane, banues ne adresën rr.
Siri Kora, nr. 88/1, Tirane, Shqipëri, shtetas shqiptar, mbajtës i pasaportës nr. Z1855908

Te cilët me vullnet te lire e te plote deklaruan, ne prani te përkthyesit te gjuhës angleze,
se sa me sipër është **statuti i shoqërisë ALPHA SOUND TIRANA shpk**, i përpiluar jashtë
kësaj zyre noteriale, te cilin e nënshkruan ne praninë time, ne cilësinë e përfaqësuesve te
Ortakeve Themelues te Shoqërisë, dhe unë noterja, pasi e gjej ne përputhje me ligjin 7638
„Për shoqëritë tregtare" date 19.11.1992, e vërtetoj atë sipas ligjit.

Përkthyes

NOTERE